





სილქნეტი
SILKNET
საქართველო
საქართველო

4391/24-8

“ 26 ” 09 2017

შპს „პროექტ+“ -ს დირექტორს ქალბატონ ხატია გეგენავას

ქალბატონო ხატია,

თქვენგან შემოსული წერილი (99/1 – 19/09/2017)-ს თანახმად, სადაც დაგეგმილი გაქვთ მის. ხაშურის მუნიციპალიტეტში, შემდეგი სოფლების: ზემო აძვისი, ნაბახტევი, კლდისწყარო (ალის თემი) და უწლევის გაზომომარაგების სამუშაოების ჩატარება და გასურდათ წარმოდგენილ პროექტზე დაგვეტანა ტერიტორიაზე განთავსებული სს „სილქნეტი“-ს კომუნიკაცია.

გაცნობებთ, რომ წერილში აღნიშნულ ტერიტორიაზე სს „სილქნეტი“-ს კუთვნილი კომუნიკაციები განთავსებული არ არის. პროექტი შეთანხმებულია.

სამუშაოების დაწყების წინ აუცილებელია გამოძახებული იქნას სს „სილქნეტი“-ს წარმომადგენელი. ოპერატიული მართვა: 2 95 00 29; 2 93 27 40

დანართი: 1. CD-დისკი 1- ცალი

2. დანართი #1

პატივისცემით



ტექნიკური განვითარებისა და დაგეგმარების
დეპარტამენტის უფროსი
რევაზ ღვინიაშვილი

21 / 09 2017 წ.

სს „სილქნეტი“ თანახმაა, ქვემოთ მოცემული პირობების დაცვით შესრულდეს განმცხადებლის მიერ წარმოდგენილი პროექტით გათვალისწინებული სამუშაოები:


- მინიმალური დაშორება საპროექტო მიწისქვეშა გაზსადენის მილსა და სს „სილქნეტი“-ს მიწისქვეშა ხაზოვან ნაგებობას შორის პარალელური მონტაჟის შემთხვევაში უნდა შეადგენდეს არანაკლებ 1.0 მეტრისა (იხ. ნახ. 5.1).
- მინიმალური დაშორება საპროექტო მიწისქვეშა გაზსადენის მილსა და სს „სილქნეტი“-ს მიწისქვეშა ხაზოვან ნაგებობას შორის გადაკვეთის შემთხვევაში უნდა შეადგენდეს არანაკლებ 0.15 მეტრისა (იხ. ნახ. 5.2).
- გადაკვეთის ადგილებში საპროექტო მიწისქვეშა გაზსადენის მილი აუცილებლად უნდა განთავსდეს სს „სილქნეტი“-ს მიწისქვეშა ხაზოვანი ნაგებობის ქვემოთ.
- მანძილი შენობის გარე და შიდა კედლებზე განლაგებულ სს „სილქნეტი“-ს საკაბელო/სააბონენტო ქსელსა და გაზსადენის მილს შორის უნდა შეადგენდეს არანაკლებ 0.5 მეტრისა (იხ. ნახ. 5.3).
- სს „სილქნეტი“-ს მხრიდან, იგივე (ან მიმდებარე) ტერიტორიაზე მიწისქვეშა ხაზოვანი ნაგებობის ან სხვა ელემენტების მშენებლობა/რეკონსტრუქციის პროცესში მიწისქვეშა გაზსადენის მილის შესაძლო დაზიანების თავიდან აცილების მიზნით, განმცხადებლის მიერ საპროექტო გაზსადენის მილის ზემოთ ჩაიდოს გამაფრთხილებელი ლენტი არანაკლებ 0,15 მ-ის დაშორებით (იხ. ნახ. 5.4).
- სს „სილქნეტი“-ს მიწისქვეშა ხაზოვანი ნაგებობის გადაკვეთის შემთხვევაში გათხრითი სამუშაოები შესრულდეს ხელით.
- წინამდებარე ნებართვის გაცემით, ნებართვის მიმღები ადასტურებს თავის ვალდებულებას უზრუნველყოს სს „სილქნეტი“-სათვის ანალოგიური ნებართვის გაცემა მის მიერ წინამდებარე ნებართვაში მითითებულ (ან მის მიმდებარედ არსებულ) ტერიტორიაზე მიწისქვეშა ან/და მიწისზედა ხაზოვანი ნაგებობის მშენებლობის დაწყების ან/და სარეკონსტრუქციო/სარემონტო/სარეაბილიტაციო სამუშაოების წარმოების შემთხვევაში.
- იმ შემთხვევაში, თუ სს „სილქნეტი“-ს მიერ წარმოდგენილი ან რეგისტრირებული ხაზოვანი ნაგებობის კოორდინატები განსხვავდება რეალობისგან, განმცხადებელი ვალდებულია:
 - ა) დაუყოვნებლივ შეაჩეროს სამუშაოები;
 - ბ) აღნიშნული ფაქტი შეატყობინოს სს „სილქნეტი“-ს წარმომადგენელს ელექტრონული ფოსტის (Info.Center@silknet.com) და შეთანხმების ბეჭედზე მითითებული ტელეფონის ნომრების მეშვეობით.

ზედხედი პარალელური მონტაჟის შემთხვევაში




ნახ. 5.1

ჭრილი კომუნიკაციების გადაკვეთის შემთხვევაში




ნახ. 5.2

პარალელური მონტაჟი კედელზე



ნახ. 5.3

გამაფრთხილებელი ლენტის მონტაჟი



ნახ. 5.4

საპროექტო დაწესების წინ გათვალისწინებული
სს „სილქნეტის“ წარმომადგენელი
რეგისტრირებული მართვა: 2 95 00 29, 2 93 27 00
გამაფრთხილებელი ლენტი
თარიღი 21.09.2017



საქართველოს გაერთიანებული
წყალმომარაგების კომპანია
UNITED WATER SUPPLY COMPANY OF GEORGIA

N 13122/1
17/10/2017

13122-1-2-201710171158



შ.პ.ს. „პროექტ +“ დირექტორს
ქალბატონ ხატია გეგენავას

ქალბატონო ხატია,

შ.პ.ს. „საქართველოს გაერთიანებული წყალმომარაგების კომპანიამ“ განიხილა თქვენი მ/წლის 19 სექტემბრის N96/1 წერილი ხაშურის მუნიციპალიტეტის სოფლების: ზემო აძვისი, კლდისწყარო(ალის თემი), ნაბახტევი, უწლევის გაზომომარაგებისათვის საშუალო და დაბალი წნევის გაზსადენების ქსელის საპროექტო სამუშაოების შესახებ.

გაცნობებთ, რომ აღნიშნულ სოფლებში შ.პ.ს. „საქართველოს გაერთიანებული წყალმომარაგების კომპანიას“ წყალმომარაგების და წყალარინების სისტემები არ გააჩნია.

პატივისცემით,

გიორგი კობერიძე

დირექტორი

ხელმძღვანელობა

Handwritten signature and blue checkmark

Delta Comm LLC
2 Gaprindauli Str. 0154
Tbilisi, Georgia
Tel: +995 32 2343468
Fax: +995 32 910510 (136)
Home Page: www.delta-comm.ge
Email: info@delta-comm.ge



№გ-677/09-17
28.09.2017

შპს "პროექტ +" -ის დირექტორს
ქალბატონ ხატია გეგენავას

ქალბატონო ხატია,

თქვენი მიმდინარე წლის 19 სექტემბრის №103/1 წერილის პასუხად გაცნობებთ, რომ თქვენი კომპანიის მიერ ხაშურის მინიციპალიტეტის სოფლების: ზემო აძვისი, ნაბახტევი, კლდისწყარო(აღის თემი) და უწლევის საშუალო და დაბალი წნევის გაზსადენების საპროექტო სამუშაოების წარმოებას აუცილებელია ესწრებოდეს შპს „დელტა კომმი“-ს თანამშრომელი.

ამასთან, შპს „დელტა კომმი“-ს საკუთრებაში არსებულ ოპტიკურ-ბოჭკოვან კაბელთან სამუშაოები უნდა განხორციელდეს შემდეგი ტექნიკური პირობების გათვალისწინებით:

- კვეთა უნდა განხორციელდეს კომუნიკაციის ქვემოდან ან ზემოდან არანაკლებ 0,3 მეტრისა გარსაცავ ფოლადის ან პოლიეთილენის მილში.
- სამშენებლო სამუშაოების წარმოებისას მექანიზმებისა და ტექნიკური საშუალებების გამოყენება დასაშვებია შპს „დელტა კომმი“-ს საკუთრებაში არსებული კომუნიკაციიდან არანაკლებ 3 მეტრის დაშორებით.
- ხოლო, კომუნიკაციიდან 3 მეტრზე ნაკლების მანძილის შემთხვევაში სამუშაოები უნდა შესრულდეს ხელით, ჩვენი წარმომადგენლების აუცილებელი თანდასწრებით.
- თუ, თქვენი კომუნიკაცია პარალელურად მიუყვება ჩვენსას, მაშინ გასათვალისწინებელია ის, რომ დაშორება მათ შორის არ იყოს 1.0 მ-ზე ნაკლები. გთხოვთ, მიწის სამუშაოების დაწყების დრო გეაცნობოთ წინასწარ და არანაკლებ სამი დღით ადრე დაუკავშირდეთ ჩვენს თანამშრომელს შემდეგ საკონტაქტო ნომრებზე:

კობა ხალიბეგაშვილი: 577 57 51 19.
ავთო მუმლაძე: 591 07 15 12.

0322 910 510.

პატივისცემით,
გენერალური დირექტორი:



ზურაბ ზარიძე



შპს „პროექტ +“ დირექტორს
ქალბატონ ხატია გეგენავას
მის: თბილისი, აგლაძის ქ. N47ა
ტელ: (995) 595 10 57 57;
ელ. ფოსტა: projectplus@gmail.com

ასლი: სს „ენერგო-პრო ჯორჯიას“ სამხრეთ
საქართველოს ფილიალის დირექტორს
ბატონ ბერდია გოგლოძეს

ქალბატონო ხატია,

თქვენი მიმდინარე წლის 19 სექტემბრის №97/1 წერილის პასუხად, რომელიც ეხება ხაშურის მუნიციპალიტეტის სოფლების - ზემო აძვისის, ნაბახტევის, კლდისწყაროს(ალის თემი) და უწლევის გაზომარაგებისთვის საპროექტო სამუშაოების ჩასატარებლად, კომპანიის კომუნიკაციების შესახებ ინფორმაციის გადმოცემას, გაცნობებთ, რომ სს „ენერგო-პრო ჯორჯია“ მზადყოფნას გამოთქვამს თქვენს მიერ მითითებული ტერიტორიის ადგილზე გავლა განხორციელდეს ერთობლივად, რა დროსაც ჩვენი თანამშრომლები მიუთითებენ კომპანიის საკუთრებაში არსებული ელექტროგადამცემის ხაზების ადგილმდებარეობას. ამ მიზნით, გთხოვთ, დაუკავშირდეთ სს „ენერგო-პრო ჯორჯიას“ ხაშურის მომსახურების ცენტრის ტექნიკურ მენეჯერს ბ-ნ ზაზა ხორგუაშვილს (ტელ.: 577 35 48 01).

აგრეთვე გაცნობებთ, რომ თქვენს მიერ დაგეგმილი სამუშაოები უნდა განხორციელდეს საქართველოში მოქმედი „ელექტროდანადგარების მოწყობის წესებისა“ და „უსაფრთხოების ტექნიკის წესების“ მოთხოვნების გათვალისწინებით.

პატივისცემით,

მიხეილ ბოცვაძე

გენერალური დირექტორი

შემს: მარიამ ღვინიაძე
ტელ: 577 35 05 77



საქართველოს რეგიონული განვითარებისა და ინფრასტრუქტურის სამინისტრო
საქართველოს საავტომობილო გზების დეპარტამენტი

N 2-03/10799
02/10/2017

10799-2-03-2-201710021000



შ.პ.ს. "პროექტ +" -ის დირექტორს ქალბატონ **ხატია გეგენავას**

ასლი: შ.პ.ს. „იბოლია“-ს დირექტორს ბატონ **დავით გოდერძიშვილს**

ასლი: უცხოური საწარმოს ფილიალის „სს ინსტიტუტი იგპ. სააქციო საზოგადოება სამოქალაქო მშენებლობის კვლევებისა და განვითარების საკითხებში“ ხელმძღვანელს ბატონ **სტიეპან კუნშტეკს**

საქართველოს საავტომობილო გზების დეპარტამენტი, ითვალისწინებს რა შ.პ.ს. "პროექტ +" -ის №87/1 15.09.2017წ. მიმართვას, არ არის წინააღმდეგი ხაშურის მუნიციპალიტეტის დასახლებული პუნქტების (სოფ: დიდი ფლევი, ნაბახტევი, ზემო აძვისი, პატარა ფლევი, ნაცარგორა) ბუნებრივი აირის გამანაწილებელი ქსელის მკვებავი მილსადენის სამშენებლო-სამონტაჟო სამუშაოების შესრულებისას: შიდასახელმწიფოებრივი მნიშვნელობის „გომი-საჩხერე-ჭიათურა-ზესტაფონი“ საავტომობილო გზის კმ4+259მ-დან კმ4+582მ-მდე, ცალკეულ მონაკვეთებზე, ტრასირებისას პოლიეთილენის გაზსადენი მილის ჩასადები ტრანშეა, ღია წესით, მომზადდეს ღერძიდან ორივე მხარეს; ს/გზის კმ4+576მ-ზე მიწის ვაკისის განივად გადაკვეთის სამუშაოები შესრულდეს დახურული წესით; შემდეგი ტექნიკური პირობების დაცვით:

1. „გომი-საჩხერე-ჭიათურა-ზესტაფონი“ ს/გზის კმ4+259მ÷კმ4+372მ მონაკვეთზე ($L \approx 78$ მ), ტრასირებისას საშუალო წნევის პოლიეთილენის გაზსადენი მილის ($d=90$ მმ/ $d=50$ მმ) ჩასადები ტრანშეა (სიღრმით $h_{ტრ} \approx 1,0$ მ÷ $1,2$ მ) მომზადდეს ღერძის გასწვრივ, მარჯვენა კიუვეტის გარეთ, ს/გზის ღერძიდან ≈ 8 მ მანძილის დაშორებით, ს/გზასა და კერძო სექტორის კუთვნილი მიწის ნაკვეთების ღობეებს შორის არსებულ ტერიტორიაზე. ანალოგიურად მარცხენა კიუვეტის გარეთ, ს/გზის ღერძიდან ≈ 10 მ მანძილის დაშორებით მომზადდეს საკომუნიკაციო თხრილი ს/გზის კმ4+327მ÷კმ4+490მ მონაკვეთზე ($L \approx 163$ მ) ისე, რომ არ დაზიანდეს საგზაო ინფრასტრუქტურისა და და ადგილზე არსებული სხვა კომუნიკაციების ელემენტები.

2. საავტომობილო გზის გასწვრივ მომზადებულ ტრანშეაში გაზსადენი მილის მოწყობის შემდეგ, თხრილის ქვედა ნაწილი უნდა შეივსოს ქვიშა-ხრემით ($h=20$ სმ) ზედა ნაწილი ადგილობრივი გრუნტის

უკუჩაყრით. მილსადენის ტრასირების ზოლში საგზაო ინფრასტრუქტურისა და მიმდებარე ლანდშაფტის ელემენტები აღდგენილი უნდა იქნეს პირვანდელის ანალოგიურ მდგომარეობამდე.

3. ს/გზის კმ4+337მ-ზე გაზსადენი მილით ($d=90\text{მმ}$) მიწის ვაკისის განივად გადაკვეთის სამუშაოები უნდა განხორციელდეს დახურული წესით (ჰორიზონტალური ბურღვის/გრუნტის გამოჭირხვნის მეთოდით). მიწის ვაკისის გადაკვეთის ადგილზე (კოორდ: X-392683/Y-4655745-დან X-392672/Y-46557828-მდე მონაკვ.) კომუნიკაციის გარსაცმი მილის ($d=150\text{მმ}$) ზედა მსახველის ჩაღრმავებამ ასფალტბეტონის სამოსის ზედაპირიდან უნდა შეადგინოს არანაკლებ 1,0მ. სამშენებლო-სამონტაჟო სამუშაოები უნდა შესრულდეს მიწის ვაკისის ელემენტებისა და ადგილზე არსებული სხვა კომუნიკაციების დაუზიანებლად.

4. ს/გზის მიწის ვაკისის განივად გადაკვეთის ადგილზე მილგაყვანილობასა და ს/გზის ღერძს შორის კუთხე უნდა იყოს $\approx 90^\circ$. გარსაცმი მილის ერთ-ერთ ბოლოზე სტანდარტული დაშორებით უნდა მოეწყოს შესაბამისი - სტანდარტული სიმაღლის გამწოვი სანთელი. გარსაცმი მილის ბოლოები მიწის ვაკისის წარბადან დაცილებული უნდა იქნეს შესაბამისი ნორმებით განსაზღვრულ მანძილზე.

5. სამუშაოების წარმოების ადგილები (მისასვლელები ორივე მხრიდან) შემოიფარგლოს დამცავი საშუალებებით, საქართველოს შინაგან საქმეთა სამინისტროს შესაბამის ქვედანაყოფთან შეთანხმებით დაიდგას შესაბამისი საგზაო ნიშნები, ღამის საათებში მოეწყოს განათება. სამშენებლო-სამონტაჟო სამუშაოების მიმდინარეობისას აკრძალულია საავტომობილო გზის სავალ ნაწილზე და გვერდულებზე (ტროტუარზე) მასალის დასაწყობება, სამშენებლო ნარჩენების და სხვ. დაყრა, ასევე ავტოტრანსპორტის გაჩერება და დგომა. მუშაობის მთელ პერიოდში ავტოსატრანსპორტო საშუალებათა და ქვეითად მოსიარულეთა უსაფრთხო მოძრაობის უზრუნველყოფაზე პასუხისმგებლობა ეკისრება დამკვეთსა და სამშენებლო-სამონტაჟო სამუშაოების მწარმოებელ ორგანიზაციას.

6. ს/გზის ღერძის გასწვრივ მომზადებული ტრანშეიდან ამოღებული და ს/გზის მიწის ვაკისის ჰორიზონტალური ბურღვის შედეგად გამოტანილი ზედმეტი გრუნტი სამშენებლო-სამონტაჟო სამუშაოების დასრულებისთანავე უნდა იქნას გატანილი ნაყარში, ადგილობრივი თვითმმართველობის ორგანოებთან შეთანხმებულ ადგილას.

7. გაზგამანაწილებელი ქსელის სამშენებლო-სამონტაჟო სამუშაოების შესრულებისას გზის ელემენტების ზედმეტად დაზიანების თავიდან აცილების მიზნით, გამოყენებულ იქნას პნევმოსაბურავებიანი მიწისმთხრელი მექანიზმები და/ან ხელით შრომა. მიწის სამუშაოების შესრულებისას ს/გზის სავალ ნაწილზე და გვერდულზე მუხლუხა მექანიზმების გადაადგილება კატეგორიულად იკრძალება.

8. ს/გზის ღერძის გასწვრივ მილსადენის ტრასირების ზოლი და ს/გზის მიწის ვაკისის განივად გადაკვეთის ადგილი წინასწარ, სამუშაოების დაწყებამდე უნდა დაზუსტდეს საავტომობილო გზის მოვლა-შენახვის სამუშაოების შემსრულებელი ორგანიზაციის - შ.პ.ს. "იბოლია"-ს წარმომადგენელთან ერთად.

9. სამშენებლო-სამონტაჟო სამუშაოების დაწყების და დამთავრების გრაფიკები (დრო და ხანგრძლივობა) შეთანხმებული უნდა იქნას შ.პ.ს. "იბოლია"-სთან და საქართველოს შინაგან საქმეთა სამინისტროს შესაბამის ქვედანაყოფთან.


10. სამუშაოების წარმოებისას საავტომობილო გზისა და მიმდებარე ლანდშაფტის ელემენტების დაზიანების შემთხვევაში, სამუშაოების დამთავრების შემდეგ უნდა მოხდეს მათი პირვანდელ მდგომარეობაში მოყვანა სამუშაოების მწარმოებელი ორგანიზაციის ძალებითა და დამკვეთის სახსრებით – შ.პ.ს. "იბოლია"-ს წარმომადგენლის მეთვალყურეობის ქვეშ.

11. საავტომობილო გზის იმ მონაკვეთზე, რომელიც გაზსადენი მილის ტრასასთან შეხებაშია, საგზაო სამუშაოების შესრულებისას, თუ ამას საჭიროება მოითხოვს, კომუნიკაციის მეპატრონე ვალდებულია საქართველოს საავტომობილო გზების დეპარტამენტის პირველივე მოთხოვნისთანავე, თავისი სახსრებით (დეპარტამენტის მხრიდან ყოველგვარი ანაზღაურების გარეშე) მოახდინოს კომუნიკაციის დემონტაჟი და გადატანა სხვა ადგილზე. საგზაო სამუშაოების წარმოებისას (შეთანხმებული ტექნიკური პირობების დარღვევით გატარებული) გაზსადენი მილის დაზიანების შემთხვევაში, საავტომობილო გზების დეპარტამენტი პასუხს არ აგებს. დაზიანება უნდა აღმოიფხვრას გაზსადენი კომუნიკაციის მეპატრონის ძალებითა და სახსრებით.

12. ზემოთ აღნიშნული ტექნიკური პირობების შესრულებაზე საერთო კონტროლი ევალება საქართველოს საავტომობილო გზების დეპარტამენტის საავტომობილო გზების მიმდინარე და პერიოდული შეკეთების სამუშაოების კონტროლისა და მონიტორინგის სამსახურს, შ.პ.ს. "იბოლია"-ს და უცხოური საწარმოს ფილიალს „სს ინსტიტუტი იგპ. სააქციო საზოგადოება სამოქალაქო მშენებლობის კვლევებისა და განვითარების საკითხებში“.

13. ზემოთ ჩამოთვლილი პირობების დარღვევის შემთხვევაში, საქართველოს საავტომობილო გზების დეპარტამენტი იტოვებს უფლებას იმოქმედოს საქართველოს კანონმდებლობით დადგენილი წესის შესაბამისად.

ნუგზარ გასვიანი



დეპარტამენტის თავმჯდომარის მოადგილე-ტექნიკური მდივანი